



UNIVERSITI TEKNOLOGI MARA

---

## **PEKELILING TIMBALAN NAIB CANSOLOR (PENYELIDIKAN DAN INOVASI)**

---

**Bilangan 03 Tahun 2018**

### **SYARAT-SYARAT DAN KRITERIA BAGI PERMOHONAN NOTIS PEMBERITAHUAN HAKCIPTA**

#### **TUJUAN**

1. Pekeliling ini bertujuan untuk memaklumkan kepada semua warga penyelidik UiTM dan pihak yang berkepentingan mengenai syarat-syarat dan kriteria permohonan Notis Pemberitahuan Hakcipta melalui Research Innovation Business Unit (RIBU).

#### **LATAR BELAKANG**

2. Mesyuarat Jawatankuasa Harta Intelek dan Pengkomersilan (JHIP) Bil 2/2018 pada 28 Mei 2018 telah meluluskan Penetapan syarat-syarat dan kriteria bagi permohonan Notis Pemberitahuan Hakcipta seperti yang gariskan di dalam Dasar Harta Intelek UiTM 2013 iaitu fasal 6.2 (c). (Rujuk Lampiran 1)

#### **PELAKSANAAN**

3. Dasar ini terpakai ke atas semua aktiviti pengkomersilan Harta Intelek yang dihasilkan oleh Staf, Pelajar dan Rakan Sekutu UiTM melalui aktiviti pengajaran dan pembelajaran, penyelidikan dan inovasi, dan yang mana hak dan/atau kepentingan ke atas Harta Intelek tersebut dimiliki oleh UiTM.

4. Syarat-syarat dan kriteria yang diluluskan adalah seperti berikut:
  - a. Karya yang dipohon adalah hasil karya asli staf yang tertakluk kepada tuntutan hakmilik penuh UiTM berdasarkan polisi Harta Intelek UiTM perenggan 6.1;
  - b. Sebaik-baiknya karya tersebut mestilah satu karya yang dihasilkan melalui satu geran penyelidikan;
  - c. UiTM tidak menuntut hak milik eksklusif ke atas tesis, disertasi, kertas projek dan tugas Pelajar UiTM yang dihasilkan daripada aktiviti pengajaran dan pembelajaran di UiTM. Sekiranya karya tersebut adalah karya yang dihasilkan bersama dengan pelajar, maka peratusan sumbangan staf tersebut mestilah melebihi peratusan sumbangan pelajar. Kriteria ini tertakluk kepada perenggan 6.2(c), di mana karya yang dihasilkan itu bukan secara keseluruhannya merupakan tugas pelajar bagi proses pengajaran dan pembelajaran;
  
5. Kriteria lain yang akan diambil kira ialah:
  - i) Samada karya tersebut berpotensi untuk dikomersilkan;
  - ii) Terdapat perjanjian/memorandum persefahaman antara UiTM dengan pihak luar yang memerlukan karya itu di daftarkan untuk notis pemberitahuan hakcipta bagi melindungi kepentingan dan hak UiTM;
  - iii) Staf yang memohon akan menyertai pertandingan inovasi diperingkat kebangsaan atau antarabangsa dan syarat penyertaan memerlukan karya atau produk tersebut perlu dilindungi sekurang-kurangnya dengan hakcipta;
  - v) Kriteria lain yang dirasakan wajar dan bersesuaian untuk memelihara hak dan kepentingan UiTM serta Staf berkenaan.

**6. TARIKH DIKELUARKAN**

Pekeliling ini dikeluarkan pada 14 September 2018

**7. TARIKH KUATKUASA**

Pekeliling ini berkuat kuasa mulai 3 September 2018

Yang benar



**PROFESOR IR. DR. HJ. ABDUL RAHMAN OMAR, JSM**  
**Timbalan Naib Canselor (Penyelidikan dan Inovasi)**

*Dikelilingkan Kepada Semua Ketua Jabatan/Bahagian/Pusat/Unit*  
*Semua Dekan-dekan Fakulti*  
*Semua Rektor-rektor Kampus Negeri*

---

<sup>1</sup> Keputusan Mesyuarat Jawatankuasa Harta Intelek dan Pengkomersilan (JHIP) Bil 2/2018

# **LAMPIRAN 1**

## **DASAR HARTA INTELEK UNIVERSITI TEKNOLOGI MARA 2013**

### **FASAL 6 : HAK MILIK DAN KEPENTINGAN KE ATAS HARTA INTELEK**

#### **6.1 Staf**

a. Tertakluk kepada fasal 6.1(d) dan kecuali dipersetujui secara bertulis atau dinyatakan sebaliknya di dalam Dasar ini, UiTM menuntut hak milik dan kepentingan mutlak dan sejagat ke atas semua Harta Intelek yang dihasilkan oleh Staf UiTM di dalam urusan pekerjaan staf tersebut.

b. Semua Harta Intelek yang direka cipta oleh Staf UiTM di luar urusan pekerjaannya adalah menjadi hak milik staf tersebut, melainkan Harta Intelek tersebut dihasilkan:

- i. dengan menggunakan dana, bantuan kepakaran/kemahiran, kemudahan dan kelengkapan makmal/premis, bahan atau lain-lain sumber milik UiTM yang menyumbang secara material dan substantif kepada penghasilan Harta Intelek tersebut;
- ii. melalui pembiayaan penuh atau sebahagian geran penyelidikan luar (awam atau persendirian) yang disalurkan kepada UiTM dan diperuntukkan kepada staf tersebut;
- iii. daripada Harta Intelek telah sedia ada milik UiTM atau yang dilesenkan kepada UiTM;
- iv. secara bersama dengan staf UiTM lain di dalam urusan pekerjaan Staf tersebut;
- v. secara bersama dengan Pelajar dan/atau Rakan Sekutu UiTM yang mana UiTM menuntut hak milik di bawah Dasar ini; atau
- vi. atas permintaan atau arahan secara rasmi oleh UiTM.

c. Dalam keadaan (i) hingga (vi) di atas, UiTM menuntut hak milik penuh atau sebahagian, yang mana dan setakat mana yang difikirkan adil dan wajar, dan jika terdapat sebarang Perjanjian, pegangan hak milik akan diberikan berdasarkan terma dan syarat Perjanjian tersebut.

d. UiTM tidak menuntut hak milik Harta Intelek ke atas bahan pengajaran dan pembelajaran yang dihasilkan oleh Staf UiTM, termasuk di dalam urusan pekerjaannya, melainkan ia dihasilkan atas permintaan atau arahan secara rasmi oleh UiTM.

e. Walau bagaimanapun, UiTM menuntut hak bukan eksklusif, bebas royalti dan lesen yang berterusan untuk menggunakan, membangunkan, menghasilkan semula dan mengedar keseluruhan atau mana-mana bahagian bahan pengajaran dan pembelajaran tersebut bagi tujuan bukan komersil dalam apa-apa bentuk yang dianggapnya sesuai dan tidak bercanggah dengan hak moral Staf tersebut.

f. Apa-apa hak dan kepentingan ke atas Harta Intelek yang diberikan oleh Staf UiTM sebagaimana yang diperihalkan di atas akan terus sah dan berkuat kuasa walaupun selepas staf tersebut bukan lagi merupakan staf UiTM sama ada disebabkan tamat tempoh kontrak/Perjanjian, bersara/berhenti/diberhentikan atau atas apa-apa sebab lain.

g. Bagi memberi kesan undang-undang kepada fasal (e) dan (f) di atas, semua staf dikehendaki menandatangani perakuan pemberian hak bukan eksklusif, bebas royalti dan lesen berterusan ke atas bahan pengajaran dan pembelajaran tersebut kepada UiTM semasa pengambilan mereka sebagai staf atau bilamana didapati perlu.

h. Di mana sesuatu Harta Intelekt dihasilkan secara bersama, melibatkan dua atau lebih staf UiTM, dan dalam keadaan di mana UiTM tidak menuntut hak milik Harta Intelekt tersebut, maka hak milik ke atas Harta Intelekt tersebut adalah tertakluk kepada apa-apa Perjanjian di antara staf tersebut.

## **6.2 Pelajar**

a. Tertakluk kepada fasal 6.2(c) dan kecuali dipersetujui secara bertulis atau dinyatakan sebaliknya di dalam Dasar ini, UiTM menuntut hak milik dan kepentingan ke atas semua Harta Intelekt yang dihasilkan oleh Pelajar UiTM yang mana penghasilannya:

- i. menggunakan dana, bantuan kepakaran/kemahiran, kemudahan dan kelengkapan makmal/premis, bahan atau lain-lain sumber milik UiTM yang menyumbang secara material dan substantif kepada penghasilan Harta Intelekt tersebut;
- ii. dibiayai secara penuh atau sebahagian geran penyelidikan luar (awam atau persendirian) yang disalurkan kepada UiTM dan diperuntukkan kepada Pelajar UiTM tersebut;
- iii. berpunca daripada penggunaan harta intelek sedia ada yang dimiliki oleh UiTM atau yang dilesenkan kepada UiTM;
- iv. secara bersama dengan Pelajar dan/atau Rakan Sekutu UiTM yang mana UiTM menuntut hak milik di bawah Dasar ini; atau
- v. atas permintaan atau arahan secara rasmi oleh UiTM.